















此文脉絡騰  
理最是縝密  
而文情尤極  
奇宕神品

讀之數過乃  
知運筆之妙  
直是天工非  
尋常可以測  
識

# 范文正公集序

慶曆三年。軾始總角入鄉校。士有自京師來者。以魯人石守道所作慶曆聖德詩示鄉先生。軾從旁竊觀。則能誦習其詞。問先生以所誦十一人者何人也。先生曰。童子何用知之。軾曰。此天人也耶。則不敢知。若亦人耳。何爲其不可。先生奇軾言。盡以告之。且曰。韓范富歐陽。此四人者人傑也。時雖未盡了。則已私識之矣。嘉祐二年。始舉進士。至京師。則范公沒。旣葬而墓碑出。讀之至流涕。曰。吾得其爲人。蓋十有五年而不一見其面。豈非命歟。是歲登第。始見知于歐陽公。



千流萬派沛  
然朝宗  
此段開鎖極  
妙文勢不如  
此不能振舉

因公以識韓富。皆以國士待軾。曰：恨子不識范文正公。其後三年過許，始識公之仲子。今丞相堯夫又六年始見其叔彞叟京師。又十一年遂與其季德孺同僚于徐。皆一見如舊。且以公遺藁見屬爲序。又十二年乃克爲之。嗚呼！公之功德，蓋不待文而顯。其文亦不待序而傳。然不敢辭者，自以八歲知敬愛公。今四十七年矣。彼三傑者，皆得從之游。而公獨不識。以爲平生之恨。若獲掛名其文字中，以自托于門下士之末。豈非疇昔之願也哉？古之君子，如伊尹、太公、管仲、樂毅之徒，其王霸之畧皆定於畎畝中。非仕而後學者。



古之豪傑任  
天下事萬試  
不置斷非一  
時苟且猝辦  
即或臨事機  
權亦必生平  
養定然後能  
沛然四應而  
莫之禦苟不  
然而欲一時  
興倖其成鮮  
不立蹶者此  
文說得透快

也。淮陰侯見高帝于漢中。論劉項短長。盡取三秦。如  
指諸掌。及佐帝定天下。漢中之言。無一不酬者。諸葛  
孔明卧草廬中。與先主論曹操孫權。規取劉璋。因蜀  
之資以爭天下。終身不易其言。此豈口傳耳受。嘗試  
爲之。而僥倖其或成者哉。公在天聖中。居太夫人憂。  
則已有憂天下致太平之意。故爲萬言書以遺宰相。  
天下傳誦。至用爲將擢爲執政。考其平生所爲。無出  
此書者。今其集二十卷。爲詩賦二百六十八。爲文一  
百六十五。其於仁義禮樂忠信孝悌。盖如饑渴之於  
飲食。欲須臾忘而不可得。如火之熱。如水之濕。盖其



非知范公之深不能道此

議論固奇結

法尤奇

天性有不得不然者。雖弄翰戲語。率然而作。必歸於此。故天下信其誠。爭師尊之。孔子曰。有德者必有言。非有言也。德之發于口者也。又曰。我戰則克。祭則受福。非能戰也。德之見於怒者也。

又曰。忠曰氣。若洪濤而筆情曲折俱是。精神轉動妙

翔至論文正平生正使親炙者不能

如此曉暢

又曰。古之君子。王霸之畧皆定于畎畝。非仕而

後學者。此一段勘破。千古入且亦足徵蘇

公所養



張文定公文集序

孔北海諸葛武侯俱古之偉人傑士也均未嘗徒以文章名世而其文則可以經世而垂後豈非其器識固有大過人者在耶其在張公安道言足以經世文足以濟時而要非止以文字重者也故論列二公以况美之

孔北海志大而論高功烈不見於世然英偉豪傑之氣自爲一時所宗其論盛孝章郝鴻豫書慨然有烈丈夫之風諸葛孔明不以文章自名而開物成務之姿綜練名實之意自見於言語至出師表簡而盡直而不肆大哉言乎與伊訓說命相表裏非秦漢以來以事君爲悅者所能至也常恨二人之文不見其全今吾樂全先生張公安道其庶幾乎嗚呼士不以天下之重自任久矣言語非不工也政事文章非不敏且博也然至于臨大事鮮不忘其故失其守者其器



不以言徇物  
以色假人難  
矣對人主必  
同而後言尤  
難此正是他  
置毀譽得喪  
于度外耳倘  
愚得患失之  
心一毫留在  
心胸必不能  
然

小也公爲布衣則頽然已有公輔之望自少出仕至  
老而歸未嘗以言徇物以色假人雖對人主必同而  
後言毀譽不動得喪若一真孔子所謂大臣以道事  
君者世遠道散雖志士仁人或少貶以求用公獨以  
邁往之氣行正大之言日用之則行舍之則藏上不  
求合于人主故雖貴而不用用而不盡下不求合于  
士大夫故悅公者寡不悅公者衆然至言天下偉人  
則必以公爲首公盡性知命體乎自然而行乎不得  
已非蘄以文字名世者也然自慶曆以來訖元豐四  
十餘年所與人主論天下事見于章疏者多矣或用



必有如此文  
章而後能有  
大臣風節

一句開照全  
章精神陡舉

或不用而皆本於禮義合于人情是非有考于前而  
成敗有驗於後及其他詩文皆清遠雄麗讀者可以  
想見其爲人信乎其爲有似於孔北海諸葛孔明也  
軾年二十以諸生見公成都公一見待以國士今三  
十餘年所以開發成就之者至矣而軾終無所效尺  
寸于公者獨求其文集手較而家藏之且論其大畧  
以待後世之君子昔曾魯公嘗爲軾言公在人主前  
論大事他人終日反覆不能盡者公必數言而決粲  
然成文皆可書而誦也言雖不盡用慶曆以來名臣  
爲人主所敬莫如公者公今年八十一杜門却掃終



又是一種結法

日危坐將與造物者游於無何有之鄉言且不可得聞而况其文乎凡爲文若干卷若干首

張以忠曰希文公所慕樂全公所感故序二公文極

其贊揚然皆闡其寔行不是溢美

又曰有名世之文無大臣之器者古今皆是故

論篤者當亟嚴色莊之辨



一篇主意起  
妙承得好

此篇曲折最  
多起頭說大

故下面應言  
亦大如以文

章配天孔孟  
配禹果然大

而非誇

此下發明言  
大非誇之意

說申韓之害

以誦孟子之

功此等議論

實關世教又

# 六一居士集序

夫言有大而非誇達者信之衆人疑焉孔子曰天之  
將喪斯文也後死者不得與于斯文也孟子曰禹抑  
洪水孔子作春秋而予拒楊墨蓋以是配禹也文章  
之得喪何與于天而禹之功與天地竝孔子孟子以  
空言配之不亦誇乎自春秋作而亂臣賊子懼孟子  
之道行而楊墨之道廢天下以爲是固然而不知大  
其功孟子旣沒有申商韓非之學申申不害也商衛  
公孫商鞅也相秦  
廢井田變刑法違道而趨利殘民以厚主其說至陋也而士  
以是罔其上上之人僥倖一切之功靡然從之而世



不當以文論也

與韓文公與  
子蘭書相發

明

警策有力

秦以下復說

一番文氣更

足

至此始見其

言大非誇

自孔子孟子

說及韓子歸

結于歐陽子

主意在此一

轉

無大人先生如孔子孟子者推其本末權其禍福之  
輕重以救其惑故其學遂行秦是以喪天下陵夷至  
于勝廣劉項之禍死者十八九天下蕭然洪水之害  
蓋不至此也方秦之未得志也使復有一孟子則申  
韓為空言作于其心害于其事作于其事害于其政  
者必不至若是烈也使楊墨得志于天下其禍豈減  
于申韓哉繇此言之雖以孟子配禹可也太史公曰  
蓋公言黃老

蓋公善黃老言曹參避正堂以舍之賈誼晁錯明申韓

此語見太史公本傳錯不足道也而誼亦為之余以是知邪說之  
移人雖豪傑之士有不免者况衆人乎自漢以來道



自言有大至  
可也言孟子  
聞楊墨之功  
足以配禹此  
段自太史公  
至庶幾焉言  
韓愈正佛老  
之功足以配  
孟子正叫起  
歐陽子  
此段誦歐陽  
子凡三節看  
其層層處又  
看其貫串處  
始得

中間自歐  
陽子之存曰

術不出于孔氏而亂天下者多矣。晉以老莊亡。梁以  
佛亡。莫或正之。五百餘年而後得韓愈。學者以愈配  
孟子。或庶幾焉。愈之後三百有餘年而後得歐陽子。  
其學推韓愈。孟子以達于孔氏。著禮樂仁義之實。以  
合于大道。其言簡而明。信而通。引物連類。折之于至  
理。以合人心。故天下翕然師尊之。自歐陽子之存。世  
之不悅者。譁而攻之。能折困其身。而不能屈其言。士  
無賢不肖。不謀而同曰。歐陽子。今之韓愈也。宋興七  
十餘年。民不知兵。富而教之。至天聖景祐。仁宗朝極矣。  
而斯文終有愧于古。士亦因陋守舊。論卑而氣弱。自



自歐陽子出

曰歐陽子

見得歐陽子

之存沒出處

係斯文之存

亡關士風之

隆污其有功

于世其大信

乎能配韓愈

而上接孔孟

所謂言大而

非誇者也

應前天之將

喪斯文之意

此數語足為

歐陽公生色

前只論次其

從正學合大

道而序文之

道而序文之

歐陽子出天下爭自濯磨以通經學古為高以救時

行道為賢以犯顏敢諫為忠長育成就至嘉祐末號

稱多士歐陽子之功為多嗚呼此豈人力也哉非天

其孰能使之歐陽子沒十有餘年士始為新學王介甫之

以佛老之似亂周孔之實識者憂之賴天子聖明

哲宗元祐初年詔修取士法風厲學者專治孔氏黜異端坡意

以王氏之學為異端然後風俗一變考論師友淵源所自復知

誦習歐陽子之書予得其詩文七百七十六篇于其

子公四子發乃次而論之曰歐陽子論大道似韓

愈論事似陸贄唐陸贄字敬輿諡宣公有奏議行世記事似司馬遷詩



意未備得此  
數語意方盡

兩言字應篇

首言字正實

其有大非

意

賦似李白

此乃論贊而總結之

此非予言也天下之言也歐陽

子諱修字永叔既老自謂六一居士子

書一萬卷集錄三代以來

金石遺文一千卷有琴一張有棋一局而堂直酒一

壺客曰是為五一爾奈何居士曰以吾一翁乎予此

五物之間豈

不為六一乎

敖鯤曰昌黎集塔李漢序之六一集門人蘇軾序

之二公之文未必不因序而益明斯亦豈

人力也哉

張以忠曰歐陽子有功斯文與昌黎竝此是蘇子寔

錄語然非此雄文鴻筆不能如此闡揚推

至



古今文苑

卷十四

十



醉白堂記

王荆公以此  
為韓白優劣

論以文考之  
信然然實記

之變休也

大為韓公立

地步

此意高自莊

子變化來

此發揮韓公

所以羨慕樂

天之意

故魏國忠獻韓公作堂於私第之池上名之曰醉白  
取樂天池上之詩以為醉白堂之歌意若有羨於樂  
天而不及者天下之士聞而疑之以為公既以無愧  
於伊周矣而猶有羨於樂天何哉軾聞而笑曰公豈  
獨有羨於樂天而已乎方且願為尋常無聞之人而  
不可得者天之生是人也將使任天下之重則寒者  
求衣饑者求食凡不獲者求得苟有以與之將不勝  
其求是以終身處乎憂患之域而行乎利害之塗豈  
其所欲哉夫忠獻公既已相三帝安天下矣浩然將



此以韓白二  
公較論生平  
韓公功在宗  
社主民而樂  
天止自娛其  
身其優其劣  
不較量而可  
見

歸老於家。而天下共挽而留之。莫釋也。當是時。其有  
羨於樂天。無足惟者。然以樂天之平昔而求之。公較  
其所得之厚薄淺深。孰有孰無。則後世之論。有不可  
欺者矣。文致太平。武定亂略。謀安宗廟。而不自以為  
功。急賢才。輕爵祿。而士不知其恩。殺伐果敢。而六軍  
安之。四夷八蠻。想聞其風采。而天下以其身為安。心  
此公之所有。而樂天之所無也。乞身於彊健之時。退  
居十有五年。日與其朋友賦詩飲酒。盡山水園池之  
樂。府有餘帛。廩有餘粟。而家有聲伎之奉。此樂天之  
所有。而公之所無也。忠言嘉謨。效於當時。而文采表



白公有詩云

已與身心要

約定窮通生

死不驚悲其

人品儘卓不

可及

似莊子齊物

論

此下高出一

意

此段至言各

論讀之尤足

深省

於後世死生窮達不易其操而道德高於古人此公  
 與樂天之所同也公既不以其所有自多亦不以其  
 所無自少將推其同者而自託焉方其寓形於一醉  
 也齊得喪忘禍福混貴賤等賢愚同乎萬物而與造  
 物者遊非獨自比於樂天而已古之君子其處已也  
 厚其取名也廉是以實浮於名而世誦其美不厭以  
 孔子之聖而自比於老彭自同於丘明自以為不如  
 顏淵後之君子實則不至而皆有侈心焉臧武仲自  
 以為聖白圭自以為禹司馬長卿自以為相如楊雄  
 自以為孟軻崔浩自以為子房然世終莫之許也繇



古  
文  
卷  
古  
此觀之。忠獻公之賢於人也遠矣。昔公嘗告其子忠  
彥。將求文於軾。以爲記。而未果。公薨。旣葬。忠彥以告  
軾。以爲義不得辭也。乃泣而書之。

敖 鯤曰。韓公雖以樂天自處。而樂天功業實不及

韓公。此記旣褒美韓公。亦不貶樂天。可謂

得體

張以忠曰。高文遠韵



此文澹宮疎  
曠之中精采  
奕然名理鑿  
然

自此以下理  
勢如此

深

# 策畧五

天子者以其一身寄之乎巍巍之上。以其一心運之  
乎茫茫之中。安而爲太山。危而爲累卵。其間不容毫  
釐。是故古之聖人不恃其有可畏之資。而恃其有可  
愛之實。不恃其有不可拔之勢。而恃其有不忍叛之  
心。何則其所居者天下之至危也。天子恃公卿以有  
其天下。公卿大夫士以至於民。轉相屬也。以有其富  
貴。苟不得其心。而欲羈之以區區之名。控之以不足  
恃之勢。其平居無事。猶有以相制。一旦有急。是皆行  
道之人掉臂而去。尚安得而用之。古之失天下者。皆



歷代古今亂亡之跡數語道盡

自此以下說天子但知其危安而不知其

前面評多諒是說秦二世唐德宗

壁喻作議

非一日之故。其君臣之權去已久矣。適會其變。是以一散而不可復收。方其未也。天子甚尊。大夫士甚賤。奔走萬里。無敢後先。儼然南面。以臨其臣。曰。天何言哉。百官俯首就位。歛足而退。兢兢惟恐有罪。羣臣相率為苟安之計。賢者既無所施其材。而愚者亦有所容。其不肖舉天下之事。聽其自為而已。及乎事出於非常。變起於不測。視天下莫與同。其患雖欲分國以與人。而且不及矣。秦二世唐德宗。蓋用此術。以至于顛沛而不悟。豈不悲哉。天下者器也。天子者有此器者也。器久不用。而置諸篋笥。則器與人不相習。是以



此以下皆說  
前話

此段是推本  
之論未有人

扞格而難操良工者使手習知其器而器亦習知其  
手手與器相信而不相疑夫是故所爲而成也天下  
之患非經營禍亂之足憂而養安無事之可畏何者  
懼其一旦至于扞格而難操也昔之有天下者日夜  
淬勵其百官撫摩其人民爲之朝聘會同燕享以交  
諸侯之歡歲時月朔致民讀法飲酒蜡獵以遂萬民  
之情有大事自庶人以上皆得至于外朝以盡其詞  
猶以爲未也而五載一巡守朝諸侯于方岳之下親  
見其耆老賢士大夫以周知天下之風俗凡此者非  
以爲苟勞而已將以馴致服習天下之心使不至于



反此

洞悉時弊

應前器字見  
得開字亦不  
放字

扞格而難操也。及至後世。壞先王之法。安於逸樂而惡聞其過。是以養尊而自高。務爲深嚴。使天下拱手以貌相承。而心不服。其腐儒老生。又出而爲之說曰。天子不可以妄有言也。史且書之。後世且以爲譏。使其君臣相視而不相知。如此則偶人而已矣。天下之心。旣已去。而偃偃焉抱其空器。不知英雄豪傑已議其後。臣嘗觀西漢之初。高祖創業之際。事變之興亦已繁矣。而高祖以項氏創殘之餘。與信布之徒。爭馳於中原。此六七公者。皆以絕人之姿。據有土地。甲兵之衆。其勢足以爲亂。然天下終以不搖。卒定於漢。傳十



讀之寒心

敘事易失之

文字不詳則

便堆積不融

化此格可法

名言

接上

本要之論

數世矣。而至於元成哀平。四夷嚮風。兵革不試。而王莽一豎子。乃舉而移之。不用寸兵尺鐵。而天下屏息。莫敢或爭。此其故何也。創業之君。出於布衣。其大臣將相。皆有握手之歡。凡在朝廷者。皆有嘗試擠掇。以知其才之長短。彼其視天下。如一身。苟有疾痛。其手足不期而自救。當此之時。雖有近憂。而無遠患。及其子孫生於深宮之中。而狃於富貴之勢。尊卑濶絕。而上下之情。踈禮節繁多。而君臣之義薄。是故不爲近憂。而常爲遠患。及其一旦固已不可救矣。聖人知其然是以去苛禮。而務至誠。黜虛名。而求實效。不愛高



想見聖世君臣景象

蓋前函說許多隱括自可見

先有此五項在胸中方有此議

位重祿以致山林之士而欲聞切直不隱之言者凡  
皆以通上下之情也昔我太祖太宗既有天下法令  
簡約不爲崖岸當時大臣將相皆能從容終日歡如  
平生下至士庶人亦得以自效故天下稱其言至今  
非有文采緣飾而開心見誠有以入人之深者此英  
主之奇術御天下之大權也方今治平之日久矣臣  
愚以爲宜日新盛德以激昂天下久安怠惰之氣故  
陳其五事以備採擇其一曰將相之臣天子所恃以  
爲治者宜日夜召論天下之大計且以熟觀其爲人  
其二曰太守刺史天子所寄以遠方之民者其罷歸



段段寔落經  
齊豈有閑天  
下國家者可  
爲黼座者獻

皆當問其所以爲政民情風俗之所安亦以揣知其  
才之所堪其三曰左右扈從侍讀侍講之人本以論  
說古今興衰之大要非以應故事備數而已經籍之  
外苟有以訪之無傷也其四曰吏民上書苟小有可  
觀者宜皆召問優游以養其敢言之氣其五曰天下  
之吏自一命以上雖其至賤無以自通於朝廷然人  
主之爲豈有所不可哉察其善者卒然召見之使不  
知其所從來如此則遠方之賤吏亦務自激發爲善  
不以位卑祿薄無繇自通于上而不修飾使天下習  
知天子樂善親賢卹民之心孜孜不倦如此翕然皆



散竟收不復  
拘結束常調

有所感發。知愛於君。而不可與爲不善。亦將賢人衆。  
多而姦吏衰。少刑法之外。有以大慰天下之心焉耳。

樓

昉曰此篇主意在通下情間架整波瀾濶議論

佳可爲策格作散文生疎苦于斷續不相

連者或句語費力者熟讀不患不進

張以忠曰精神淵注識見老成真寔經濟文字

又曰五事乃萬世人主可通行者不獨宋代



# 倡勇敢策

此篇本方而意圖

諸策中第一

篇文字

奇特題目

議論

推原勇怯不

齊

通篇行文如

亂龍之駕風

雲撼山谷而

香不可測至

于氣之一字

在中兵情

戰以勇為主。以氣為決。天子無皆勇之將。而將軍無皆勇之士。是故致勇有術。致勇莫先乎倡。倡莫善乎私。此二者。兵之微權。英雄豪傑之士。所以陰用而不言。于人而人亦莫之識也。臣請得以備言之。夫倡者何也。氣之先也。有人人之勇怯。有三軍之勇怯。人人而較之。則勇怯之相去。若挺與楹。至于三軍之勇怯。則一也。出于反覆之間。而差於毫釐之際。故其權在將。與君。人固有暴猛獸而不操兵。出入于白刃之中。而色不變者。有見虺蜴而却走。聞鍾鼓之聲而戰慄者。



無人推原及  
此亦自縱橫  
家說出然曲  
盡人情之妙

倡者不在多

是勇怯之不齊。至于如此。然閭閻之小民。爭鬪戲笑。卒然之間。而或至于殺人。當其發也。其心翻然。其色勃然。若不可以已者。雖天下之勇夫。無以過之。及其退而思其身。顧其妻子。未始不惻然悔也。此非必勇者。也。氣之所乘。則奪其性。而忘其故。故古之善用兵者。用其翻然。勃然。於未悔之間。而其不善者。沮其翻然。勃然之心。而開其自悔之意。則是不戰而先自敗也。故曰。致勇有術。致勇莫先乎倡。均是人也。皆食其食。皆任其事。天下有急。而有一人焉。奮而爭先。而致其死。則翻然者衆矣。弓矢相及。劒楯相搏。勝負之勢。



一轉如善射  
者力重而矢  
速

須合兩句作  
下句錯綜之  
法

未有所決而三軍之士屬目于一夫之先登則勃然  
者相繼矣天下之大可以名劫也三軍之衆可以氣  
使也諺曰一人善射百夫決拾苟有以發之及其翻  
然勃然之間而用其鋒是之謂倡倡莫善乎私天下  
之人怯者居其百勇者居其一是勇者難得也捐其  
妻子棄其身以蹈白刃是勇者難能也以難得之人  
行難能之事此必有難報之恩者矣天子必有所私  
之將將軍必有所私之士視其勇者而陰厚之人之  
有異材者雖未有功而其心莫不自異自異而上不  
異之則緩急不可以望其爲倡故凡緩急而肯爲倡



兩盡人情看  
他回幹

文字止兩大  
段而回旋進

退極有巧思  
謂之白食筆

勢飛舞不可  
踪跡

反收

幽怨

說私字之意

者必其上之所異也。昔漢武欲觀兵于四夷，以逞其  
無厭之求，不愛通侯之賞，以招勇士。風告天下以求  
奮擊之人，然卒無有應者。于是嚴刑峻法，致之死亡，  
而聽其以深入贖罪，使勉強不得已之人，馳驟於死  
亡之地。是故其將降而兵破敗，而天下幾至于不測。  
何者？先無所異之人，而望其為倡，不已難乎？私者天  
下之所惡也。然而為已而私之，則私不可用，為其賢  
于人而私之，則非私，無以濟。蓋有無功而可賞，有罪  
而可赦者，凡所以媿其心而責其為倡也。天下之禍，  
莫大于上作而下不應，上作而下不應，則上亦將窮。



談兵食之病  
苦于不透透  
矣反竟使人  
索然自沮透  
而不使人索  
然自沮者處  
之有道而其  
言有歸着故  
也人臣進言  
于君者豈可  
徒務也言之  
而使其君索  
然自沮哉  
正意在此推  
原出上面許  
多話成一篇  
文

而自止。方西戎之叛也。天子非不欲赫然誅之。而將  
帥之臣。謹守封畧。外視內顧。莫有一人先奮而致命  
而士亦循循焉。莫肯盡力。不得已而出。爭先而歸。故  
西戎得以肆其猖狂。而吾無以應。則其勢不得不重  
賂而求和。其患起于天子無同憂患之臣。而將軍無  
心腹之士。西師之休。十有餘年矣。用法益密。而進人  
益艱。賢者不見。異勇者不見。私天下務。為奉法循令  
要以如式。而止。臣不知緩急將誰為之倡乎。

樓

昉曰。回幹精神變態。百出首尾相救。曲盡人情。

物理



鍾

惺曰論事之文極透徹極委曲極變化非求其  
文之工也不如此則其言不信不信不行  
則吾之論終不可見之于事而歸于無用  
故有用之文未有不工者也

張以忠曰文字風行雨集馳驟飄忽而神與氣自貫  
洽其間

又曰慷慨時事而深病朝廷之無人邊垂之無  
將惋痛之至言言快切



潮州韓文公廟碑

東坡作韓文

公廟碑不能

得一起頭起

行數十遭忽

得兩句云匹

夫而為百世

師一言而為

天下法下面

只如此掃去

起二句最力

量大非韓公

不足以當之

章子厚猶以

為褒公太過

似孔孟廟記

子瞻持論生

匹夫而為百世師一言而為天下法是皆有以參天  
地之化關盛衰之運其生也有自來其逝也有所為  
起句健接故申呂自嶽降詩曰維嶽降神生甫及申傳說為列星  
亦不弱莊子太宗師篇傳說得之以相武丁而古今所傳不  
可誣也孟子曰我善養吾浩然之氣是氣也寓於尋  
常之中而塞乎天地之間卒然遇之王公失其貴晉  
楚失其富良平失其智賁育失其勇儀秦失其辯是  
孰使之然哉其必有不依形而立不恃力而行不待  
生而有不隨死而亡者矣四不字亦有故在天為星辰在



生平往往重

一氣字

大文字不可

以平奇主拙

間求之

言文公事業

是浩然之氣

所發

論浩然之氣

通天地貫幽

明豈是尋常

議論而坡公

乃以為此理

之常無足怪

者直是喚醒

世俗之依阿

腆然皆窳偷

生者

褒文公只消

此數句

地為河嶽幽則為鬼神而明則復為人此理之常無

足恠者即已合為廟祀之意自東漢以來道喪文

弊異端竝起黃老于漢佛于晉宋齊梁魏隋之間皆異端也歷唐貞觀開元

之盛唐太宗貞觀輔以房杜姚宋而不能救房玄齡杜如晦

姚崇宋璟以上獨韓文公起布衣談笑而麾之大

下靡然從公復歸于正蓋三百年于此矣文起八代

之衰代謂東漢魏晉道濟天下之溺文公原道數十篇皆與衍宏深

與孟軻楊雄相表裏障百川忠犯人主之怒憲宗遣使迎佛

迴狂瀾所以救濟人心之溺而勇奪三軍之帥鎮州亂殺帥

諫帝大怒貶愈上表極而愈之愈至對廷奏力折其黨廷

廷奏詔愈宣撫衆皆危之愈目神策六軍將如牛元翼

奏曰今欲廷奏何所為愈目神策六軍將如牛元翼



極其贊歎蓋

歐陽公之文

師昌黎而子

瞻文忠弟子

此其推戴之

自云

此一段論文

公浩然之所

發

人無所不至

惟天不容偽

二句直是為

下數句之綱

惜乎文公不

能大用且起

立廟意

登用能不能

字全得後面

一鎖如長江

者公久圍之何也廷奏曰即出之愈曰若爾則無事

矣○會元翼亦潰圍而出廷奏不敢追者公之力也

此○豈○非○參○天○地○關○盛○衰○浩○然○而○獨○存○者○乎○蓋○嘗○論○天○

人○之○辨○以○謂○人○無○所○不○至○惟○天○不○容○偽○智○可○以○欺○王○

公○不○可○以○欺○豚○魚○汗藻之豚冥昧之魚似可欺也而

中孚之卦以孚信豚魚為貴蓋中

心○有○一○毫○之○欺○非○孚○信○之○力○可○以○得○天○下○不○可○以○得○

實○者○雖○豚○魚○不○可○欺○也○然者能○開○衡○山○之○雲○

匹○夫○匹○婦○之○心○故○公○之○精○誠○然者能○開○衡○山○之○雲○

愈○有○謁○衡○山○南○海○廟○詩○云○我○來○正○逢○秋○雨○節○陰○霾○晦○

昧○無○清○風○潛○心○默○禱○若○有○應○豈○非○正○直○能○感○通○須○臾○

盡○掃○衆○山○出○仰○見○突○兀○撐○清○而○不○能○回○憲○宗○之○感○能○

空○是○誠○能○開○衡○山○之○雲○也○一而○不○能○回○憲○宗○之○感○能○

馴○鱷○魚○之○暴○而○不○能○弭○皇○甫○鑄○李○逢○吉○之○謫○憲宗得

謝○表○頗○感○悔○復○欲○用○之○皇○甫○鑄○素○忌○愈○直○即○奏○言○愈○

終○疎○狂○可○且○內○移○改○袁○州○宰○相○李○逢○吉○因○臺○參○之○事○



大河之勢一

障便住

大有感慨

切題生意

應前人無所

不至二句收

拾妙

此數句合祭

法見文公之

廟非淫詞

筆氣峻整詞

調老蒼隻字

不輕放過

使愈與李紳交聞遂罷愈為能信於南海之民廟食  
兵部侍郎是不能止其謗也  
百世而不能使其身一日安於朝廷之上公自觀察推官入仕  
貶陽山貶潮州移袁州或行軍蔡蓋公之所能者天  
州或宜撫鎮州而壯朝之日少也  
也其所不能者人也始潮人未知學公命進士趙德  
為之師自是潮之士皆篤於文行延及齊民平民一等相齊  
者至于今號稱易治信乎孔子之言君子學道則愛  
人小人學道則易使也潮人之事公也飲食必祭水  
旱疾疫凡有求必禱焉而廟在刺史公堂之後民以  
出入為艱前太守欲請諸朝作新廟不果元祐五年  
朝散郎王君滌來守是邦凡所以養士治民者一以



設難設解曲  
為其妙

公自道

自始至末無  
一懈急

此段論公之  
神無所往而  
不在而獨潮  
人之所思餘  
意警策

公為師民既悅服。則出令曰。願新公廟者。聽民權。越  
之卜地於州城之南七里。期年而廟成。或曰公去國  
萬里而謫于潮。不能一歲而歸。僅七月沒而有知其  
不眷戀于潮也。審矣。軾曰。不然。公之神在天下者。如  
水之在地中。無所往而不在也。而潮人獨信之深。思  
之至。熇蒿悽愴。禮記其氣發揚于上為昭明。熇蒿悽愴。禮記其氣發揚于上為昭明。熇蒿悽愴。禮記其氣發揚于上為昭明。  
昭明乃光景之氣。熇蒿氣之感動人者。悽愴如漢書所謂神君至其風颯然之意。此皆言公之神可敬耳。  
若或見之。譬如鑿井得泉。而曰水專在是。豈理也哉。  
元豐元年詔封公昌黎伯。神宗元豐故榜曰昌黎伯韓文  
公之廟。潮人請書其事于石。因為作詩以遺之。使歌



東坡平生作詩不經意意

淺而味短獨

此詩與溫公

神道碑表忠

觀碑銘三詩

奇絕皆刻意

苦思之文

發揚蹈厲且

追雅頌

以祀公其辭曰

公昔騎龍白雲鄉

莊子乘彼白雲遊于帝鄉

手扶雲漢分天章

詩曰

倬彼雲漢為章于天註曰天

天孫為織雲錦裳

言天孫女

為文公織就雲錦裳

飄然乘風來帝旁

謂自天而來

下與

濁世掃秕糠

言其闢異端也

西遊咸池略扶桑

離騷飲余馬于咸池忽余

響乎扶桑淮南子曰日出暘谷浴于草木衣被昭回

咸池拂于咸池忽余

光溥及猶日之昭回于天也

追逐李杜參翺翔

杜甫汗流籍湜走且僵

張籍皇甫湜皆從遊

滅沒倒景不可望

之行度有光影冲激謂之滅沒司馬相如大人賦貫列缺之倒景義虔曰人在日月之上下見日月之

反從下照故其景倒謂世之人在日月之上下見日月之千日月到景之中皆不可望韓公道德之光作書紙



佛譏君王謂佛骨表要觀南海窺衡湘公被謫潮州奔馳

陸萬里言其至歷舜九嶷弔英皇山上海經云蒼梧之

潮之道里也在零陵營道縣娥皇女英從舜南狩三笛道死衡山

湘之問文公歷行舜所巡之地吊娥皇女英之靈祝融先驅海若藏使湘零鼓瑟今令海若舞馮夷皆海

神也祝融為前導而海若率惟物約束鮫鱷如驅羊

以飲藏蓋有道之人所經繇也釣天無人帝悲傷九天中天子曰釣

釣天無人帝悲傷天無人輔佐謳吟下招遣巫陽

巫陽巫祝之美名也而招爆牲鷄卜羞我觴爆牲者黎牛郊

者周吟此詩招文公之魂爆牲鷄卜羞我觴黎牛郊

祀志立粵祠而以鷄卜李奇曰特鷄骨卜如鼠卜焉

謂祭禮以爆牲鷄卜之薄而羞進我之酒觴抑以表

誠非厚於餐荔丹與焦黃蕉葉黃為迎送柳子厚之

儀也蘇公只用其事使潮人以此祭柳子厚也公不少留我

公亦如文公使柳人以此祭柳子厚也公不少留我

祝融先驅海若藏約束鮫鱷如驅羊壯哉斯言出文公千百年後徒凜凜有生氣也然非坡老筆力却說不到



涕滂

涕滂悲而泣也謂公之不少留于世使潮人終

也

翩然被髮下大荒

文公詩翩然下大荒被髮騎麒麟公平時語今願公翩然被髮

下大荒冥漠而來如公平時豪逸氣象坡公用此最善乃文公自巳事文公在天之靈其來享也必矣

洪邁曰劉夢得李習之皇甫持正李漢皆稱頌韓

公之文各極其至可謂盡矣及東坡之碑

一出而後衆說盡廢騎龍白雲之詩蹈厲

發越直追雅頌所謂若捕龍蛇搏虎豹者

不可得而束縛大哉言乎

張以忠曰立言正大關應奇合其推尊韓子處語語

崢嶸閎偉立懦廉頑裨益名教極大手筆



表忠觀碑

王荆公稱此作絕似西漢

直須與子長

馳騁上下

當草昧之初

孰無凱觀之

志錢氏保障

一方以待真

王可謂知義

知命有功于

國家生民矣

此碑鋪叙發

揚大類歐陽

公豐樂亭記

而雄健光猷

又似過之

叙事處居然

太史公筆

熙寧十年十月戊子資政殿大學士右諫議大夫知

杭州軍事臣朴趙言故吳越國玉錢氏墳廟及其父

祖妃夫人子孫之墳在錢塘者二十有六在臨安者

十有一皆蕪穢不治父老過之有流涕者謹按故武

肅王鏐始以鄉兵破走黃巢名聞江淮復以八都兵

討劉漢宏并越州以奉董昌而自居于杭及昌以越

叛則誅昌而并越盡有浙東西之地傳其子文穆王

元瓘至其孫忠獻王仁佐遂破李景兵取福州而仁

佐之弟忠懿王俶又大出兵攻景以迎周世宗之師



此段說錢氏  
有功于國

此段言錢氏  
有功于民

又以他國此  
並形容而錢  
氏之功德愈  
大

其○後○卒○以○國○入○觀○三○世○四○王○與○五○代○相○終○始○梁唐晉漢周是  
為○五○天○下○大○亂○豪○傑○蜂○起○方○是○時○以○數○州○之○地○盜○名○  
字○者○不○可○勝○數○既○覆○其○族○延○及○于○無○辜○之○民○罔○有○子○  
遺○而○吳○越○地○方○千○里○帶○甲○十○萬○鑄○山○煮○海○冶鑄于山取地產之  
寶○焚○煮○于○海○象○犀○珠○玉○之○富○甲○于○天○下○然○終○不○失○臣○  
節○貢○獻○相○望○於○道○是○以○其○民○至○于○老○死○不○識○兵○革○四○  
時○嬉○游○歌○舞○之○聲○相○聞○至○于○今○不○廢○其○有○德○於○斯○民○  
甚○厚○皇○宋○受○命○四○方○僭○亂○以○次○削○平○西○蜀○江○南○負○其○  
險○遠○兵○至○城○下○力○屈○勢○窮○然○後○束○手○而○河○東○劉○氏○百○  
戰○守○死○以○杭○王○師○積○骸○為○城○醺○血○為○池○竭○天○下○之○力○



引漢故事  
用得親切  
功德兩字收  
上有德十斯  
民有功于朝  
廷二杜意

僅乃克之。獨吳越不待告命，封府庫，籍郡縣，請吏于朝。納貢於太宗，請命願為屬吏。視去國如去傳舍。吳越王視去其國如過傳舍之。易其有功於朝廷甚大。昔竇融以河西歸漢，光武詔也。其有功于朝廷甚大。昔竇融以河西歸漢，光武詔右扶風修其父祖墳塋，祠以太牢。今錢氏功德殆過于融，而未及百年，墳廟不治，行道傷嗟，甚非所以勸獎忠臣，慰答民心之義也。臣願以龍山廢佛寺曰妙音院者為觀，使錢氏之孫為道士，曰自然者居之。凡墳廟之在錢塘者，以付自然。其在臨安者，以付其縣之淨土寺僧。曰道微，歲各度其徒一人，使世掌之。籍其地之所入，以時修其祠宇，封植其草木，有不治者



西漢語

不說朝廷如何區處只以三字收拾妙

縣令丞察之甚者易其人庶幾永終不墮以稱朝廷

待錢氏之意臣朴昧死以聞制曰可神宗降詔可其妙音

院改賜名表忠觀銘曰

天目之山安吉州茗水出焉茗水自天目山而出龍飛鳳舞萃于

臨安郭璞地記云天目山前兩乳長龍飛鳳舞到錢塘言山勢如龍之飛若鳳之舞萃于杭州也臨

安古篤生異人絕類離羣奮挺大呼從者如雲仰天

誓江錢王仰天指江而誓月星晦蒙强弩射潮江海為東殺宏

誅昌殺劉漢宏斬董昌奄有吳越金券玉冊以銘其功虎符龍節

以旌其忠太城其居包絡山川左江右湖長江西湖控引島蠻

歲時歸休以燕父老曄如神人玉帶毬馬以玉帶毬馬而踞毬



帝謂守臣四  
句歸功于上

休四十一年寅畏小心厥筐相望大貝南金五朝昏  
亂罔堪託國三王相承以待有德既獲所歸弗謀弗  
咨先王之志我維行之天作忠孝世有爵邑允文允  
武子孫千億帝謂守臣治其祠墳母俾樵牧愧其後  
昆龍山之陽歸焉斯宮匪私于錢惟以勸忠非忠無  
君非孝無親凡百有位視此刻文

樓 昉曰發明吳越之功與德全是以他國形容此

竝出來方見朝廷坐收土地不勞兵革知  
他是全了多生靈來墳墓上尤切意在

言外文極典雅



敖

鯤曰此文似遷固諸侯王年表

張以忠曰氣雄神古調雅音蒼而前後叙致格法極其峻整自是奇絕文字



前赤壁賦

續離騷序云

赤壁前後賦

者蘇公之所

作也曹操氣

吞宇宙樓船

浮江目中已

無吳矣而周

瑜年少黃蓋

神將一炬以

焚之公謫黃

崗數遊赤壁

下忘意于世

矣觀江濤洶

湧慨然懷古

壯瑜功而賦

之云

中秋之夜泛

舟大江月尤

壬戌之秋。宋元豐四年七月既望。蘇子與客泛舟遊於赤

壁之下。清風徐來。水波不興。舉酒屬客。舉酒與客相屬和馬誦

明月之詩。歌窈窕之章。詩月出皎兮佼人僚兮舒窈窕兮少焉月出

於東山之上。前出清風此言月徘徊於斗牛之間初月

出徘徊未進。白露橫江。水光接天。縱一葉之所

如也。往凌萬頃之茫然。浩浩乎如馮虛御風。列子御風冷然而

不知其所止。飄飄乎如遺世獨立。羽化而登仙。此一段

於是飲酒樂甚。扣舷而歌之。歌曰。桂棹兮蘭

槳。舟中前推日擊空明兮沂流光。渺渺兮予懷。望美



水色與天字

合而為一始

知此賦之妙

五如字形客

曲盡

舞幽壑之潛

蛟喻已之落

伏于藟所也

泣孤舟之嫠

婦喻已之不

得于君而孤

立也悲歌恍

慨更有傍若

無人氣樂

長公千赤壁

有此一段絕

作此賦

曹氏父子聲

勢一時今惟

人兮天一方。楚詞望美人兮南浦謝云秋水清見底

之流光搖漿日擊逆水而上日所客有吹洞簫者。無

謂望同朝之君子在天之一方者為倚歌而和之其聲鳴鳴然如怨如慕如泣如訴

餘音嫋嫋。音裊長也不絕如縷舞幽壑之潛蛟此孤舟之

嫠婦蘇子愀然正襟危坐而問客曰何為泣然也客

曰月明星稀烏鵲南飛此非曹孟德之詩乎。曹操短歌日月

明星稀烏鵲南飛繞樹三匝無枝西望夏口東望武

昌。武昌即鄂州夏口山川相繆鬱乎蒼蒼此非孟德

之困于周郎者乎。周郎名瑜字公瑾此一設方其破

荊州。劉琮下江陵。曹公自江陵至赤壁順流而東也舳舻千里



在江夕流而  
已所以思昔

悲今也

讀此數語便

覺身世都忘

有白日羽翰

之想

長公有此一

段見解終借

周翰事相感

發

此一段借水  
月天地以自

舳是船尾。艫是船前。

安掉處首尾相接。旌旗蔽空。醞酒臨江。酒也。醞酒酌橫。

梁賦詩

曹氏父子鞍馬間為文往往橫梁賦詩為固一世之雄也而今安

在哉。況吾與子漁樵於江渚之上。侶魚鰕而友麋鹿。

駕一葉之扁舟。舉匏樽以相屬。寄蜉蝣於天地。小蟬

名渠略朝生暮死自渺滄海之一粟。哀吾生之須臾。

羨長江之無窮。羨長江萬古之常在。挾飛仙以遨遊。抱明月而

長終。知不可乎。驟得託遺響於悲風。蘇子曰。客亦知

夫水與月乎。逝者如斯而未嘗往也。此句說水人之

然而來者。盈虛者如彼而卒莫消長也。此句說月蓋將自

其變者而觀之。則天地曾不能以一瞬。自其不變者



解見得天地  
盈虧消息之  
理本無終窮  
況眼前境界  
自有風月可  
樂何事于悲  
憂感慨

而觀之則物與我皆無盡也而又何羨乎何羨乎彼之無窮  
且夫天地之間物各有主苟非吾之所有謂軒冕冠帶之類  
雖一毫而莫取惟江上之清風與山間之明月清風應前  
徐來月出耳得之而為聲目遇之而成色取之無禁  
東山之响用之不竭是造物者之無盡藏也而吾與子之所共  
適客喜而笑洗盞更酌肴核既盡杯盤狼籍相與枕  
籍乎舟中不知東方之既白赤壁有二唯蒲圻縣西北岸烏林與赤壁相對  
乃周瑜破曹操處東坡所遊則黃川之赤壁也建安  
十三年曹操自江陵追劉備順流東下備求救于孫  
權權將周瑜請兵三萬拒之瑜部將黃蓋建義以檣  
艦間艦載燥荻枯柴先以書遺操詐言欲降時東南  
風正急蓋以十艦着前餘船繼進去二里許同時發  
火火烈風猛燒盡北船檣軍大敗石壁皆燒赤故曰



赤壁  
也

謝枋得曰此賦學莊騷無一句相似非超然之才絕  
倫之識不能也瀟灑神奇出塵絕俗如乘  
雲御風而立九霄之上俯仰六合何物茫  
茫非惟不掛之齒牙亦不足入其靈臺丹  
府也

胡時化曰七月十五日爲中元節正新涼之候泛舟  
以遊四美具矣而乃及于孟德之事觀景  
興懷感慨係之末以造物之清風明月爲  
可共適蘓公自得之趣能言之而不能盡



之者讀者歎賞其辭尤宜尋繹其趣

張以忠曰此賦不專以體物狀景爲主蓋賦之變體也前半神思灑灑後段名理津津筆侔化工神游八極



後赤壁賦

赤壁後賦直

是歲十月之望步自雪堂

蘇子得廢圃於東坡而作堂焉號曰雪堂堂以大雪

為性靈飄然

中為之因繪

公始至黃寓定惠院後

欲仙而羽衣

雪于四壁板將歸於臨臯

遷臨臯亭亭在回車院二

道士一段即

客從予過黃泥之坂霜露既降木葉盡脫人影在地

坡公亦突然

仰見明月顧而樂之行歌相答已而歎曰有客無酒

所以然

有酒無穀月白風清如此良夜何客曰今者薄暮舉

霜露四句叙

網得魚巨口細鱗狀如松江之鱸

出冬景

隋唐佳語吳都獻松江鱸魚場帝曰

叙起夜游之

有斗酒藏之久矣以待子不時之需也於是携酒與

端

魚復游於赤壁之下江流有聲斷崖千尺山高月小

所謂金壘王繪顧安所得酒乎歸而謀諸婦婦曰我

東南之佳味有斗酒藏之久矣以待子不時之需也於是携酒與

魚復游於赤壁之下江流有聲斷崖千尺山高月小

狀景寫情字  
字皆盡



山高句非胸  
中丘壑筆下

龍蛇者不能  
措一辭于此

東坡不得志

子黃故其文  
字亦蕭瑟如

惻然惻然蕭

然四顧寂寥

非句猶有未

平之氣在

結處用韓文

公石鼎叙彌

明意指錫為

道上亦暗東

高道得青成

山徐左卿作

鳴筆

水落石出會日月之幾何而江山不可復識矣

江水冬落

山木冬脫予乃攝衣而上履巉巖被蒙茸踞虎豹

石類

不可復記

虎豹之狀踞

登虬龍

古木有類虬龍者攀而登其上攀栖鶻之危巢

俯馮夷之幽宮

令齊曰馮夷華陰人服入石得水仙是為河伯

蓋二客不能

從焉劃然長嘯草木震動山鳴谷應風起水湧予亦

悄然而悲肅然而恐凜乎其不可留也反而登舟放

乎中流聽其所止而休焉時夜將半四顧寂寥適有

孤鶴橫江東來翅如車輪玄裳綈衣戛然長鳴掠予

舟而西也須臾客去予亦就睡夢一道士羽衣蹁躑

過臨臯之下揖予而言曰

夢中

赤壁之游樂乎問其



前賦須看他  
收煞處字句  
奇崛

姓○名○俛○而○不○荅○嗚○呼○噫○嘻○我○知○矣○疇○昔○之○夜○飛○鳴○而○  
而○過○我○者○指鶴而言非○子○也○耶○道○士○顧○笑○予○亦○驚○悟○開○戶○  
視○之○不○見○其○處○元豐六年東坡自書此賦後云江漢之間指赤壁者三焉一在漢水之側  
竟陵之東即今復州一在齊安郡之步下即今黃州一在江夏西南二百里許今屬漢陽縣予謂江夏之西南者正曹公所敗之地按三國志操自江陵而下備與瑜等由夏口往而逆戰則赤壁明非竟陵之東與齊安之步下也

虞 集曰陸士衡云賦體物而瀏亮坡公前赤壁賦

已曲盡其妙後賦尤精于體物如山高月  
小水落石出皆天然句法未用道士化鶴  
之事尤出人意表



張以忠曰奇姿異想游乎天際當繇神化所闢不屬

人工



蘇轍唐論

此等文古今  
有數  
深究利害是  
大文字

內重則爲內  
憂

外重則爲外  
患

天下之變常伏於其所偏重而不舉之處故內重則爲內憂外重則爲外患古者聚兵京師外無強臣天下之事皆制于內當此之時謂之內重內重之弊姦臣內擅而外無所忌匹夫橫行於四海而莫能禁其亂不起於左右之大臣則生於山林小民之英雄故夫天下之重不可使專在內也古者諸侯大國或數百里兵足以戰食足以守而其權足以生殺然後能使四夷盜賊之患不至於內天子之大臣有所畏忌而內患不作當此之時謂之外重外重之弊諸侯擁



綜歷代事言

內重外重所

以受害極其

顯明援據最

確

獨見

兵而內無以制繇此觀之則天下之重固不可使在  
內而亦不可使在外也自周之衰齊晉秦楚繇地千  
里內不勝於其外以至於滅亡而不救秦人患其外  
之已重而至於此也於是收天下之兵而聚之關中  
夷滅其城池殺戮其豪傑使天下之命皆制於天子  
然至於二世之時陳勝吳廣大呼起兵而郡縣之吏  
熟視而走無敢誰何趙高擅權於內頤指如意雖李  
斯爲相備五刑而死於道路其子李繇守三川擁山  
河之固而不敢較也此二患者皆始於外之不足而  
無有以制之也至於漢興懲秦孤立之弊乃大封侯



鑒外重之憂  
又蹈內重之  
患矯枉過直  
漢均失之

探周而來立  
法迄未有善  
者所以禍亂  
相尋踵至而

王而高帝之世反者九起其遺孽餘烈至於文景而  
爲淮南濟北吳楚之亂於是武帝分裂諸侯以成大  
國之禍而其後百年之間王莽遂得以奮其志於天  
下而劉氏之子孫無復齟齬魏晉之世乃益侵削諸  
侯四方微弱不復爲亂而朝廷之權臣山林之匹夫  
常爲天下之大患此數君者其所以制其內外輕重  
之際皆有以自取其亂而莫之或知也夫天下之重  
在內則爲內憂在外則爲外患而秦漢之間不求其  
勢之本末而更相懲戒以就一偏之利故其禍循環  
無窮而不可解也且夫天子之於天下非如婦人孺



不能語

應言前代之  
弊大得覆論一

事寬緊合節  
張對後乃入唐

總閱鎖前段  
而實見唐制  
所以獨善者  
在此

子之愛其所有也得天下而謹守之不忍以分於人  
此匹夫之所謂智也而不知其無成者未始不自不  
分始故夫聖人將有所大定於天下非外之有權臣  
則不足以鎮之也而後世之君乃欲去其爪牙翦其  
股肱而責其成功亦已過矣夫天下之勢內無重則  
無以威外之強臣外無重則無以服內之大臣而絕  
姦民之心此二者其勢相持而後成而不可一輕者  
也昔唐太宗既平天下分四方之地盡以沿邊爲節  
度府而范陽朔方之軍皆帶甲十萬上足以制夷狄  
之難下足以備匹夫之亂內足以禁大臣之變而將



說他內外兩  
得轉側有法

神局俱活

文局雄偉文  
氣睜嶸

每復論文氣  
始振

帥之臣常不至於叛者內有重兵之勢以預制之也  
正觀之際天下之兵八百餘府而在關中者五百舉  
天下之衆而後能當關中之半然而朝廷之臣亦不  
至於乘隙間釁以邀大利者外有節度之權以破其  
心也故外之節度有周之諸侯外重之勢而易置從命  
得以擇其賢不肖之才是以人君無征伐之勞而天  
下無世臣暴亂之患內之府兵有秦之關中內重之  
勢而左右謹飭莫敢爲不義之行是以上無逼奪之  
危下無誅絕之禍蓋周之諸侯內無府兵之威故陷  
於逆亂而不能以自止秦之關中外無節度之援故



得要領

通法者失之  
通法者之

脅於大臣而不能以自立有周秦之利而無周秦之  
害形格勢禁內之不敢爲變而外之不敢爲亂未有  
如唐制之得者也而天下之士不究利害之本未猥  
以成敗之遺踪而論計之得失徒見開元之後強兵  
悍將皆爲天下之大患而遂以太宗之制爲猖狂不  
審之計夫論天下論其勝敗之形以定其法制之得  
失則不若窮其所繇勝敗之處蓋天寶之際府兵四  
出萃於范陽而德宗之世禁兵皆戍趙魏是以祿山  
朱泚得至於京師而莫之能禁一亂塗地終於昭宗  
而天下卒無寧歲內之強臣雖有輔國元振守澄士



府兵在外亡  
唐之本李林  
甫諸奸不得  
不執其咎

良之徒而卒不能制唐之命。誅王涯殺賈餗自以爲  
威震四方。然劉從諫爲之一言而震懼自斂。不敢復  
肆。其後崔昌遐倚朱溫之兵以誅宦官。去天下之監  
軍而無一人敢與抗者。繇此觀之。唐之衰其弊在於  
外重而外重之弊起於府兵之在外。非所謂制之失  
而後世之不用也。

茅 坤曰。愚竊謂今之兵滿天下。並不得籍之行伍。

以折衝禦侮。而北自遼陽。迄臨洮。延袤五  
千餘里。僅得戍守之兵。以乘障游徼於其  
塞耳。然無唐之節度府。帶甲十萬之勢。以



爲外重故胡人得以蹂躪我疆場殺掠我  
人民其於南粵一帶亦然至於京師所籍  
兵十餘萬僅足以供天子之工匠與中官  
勢人者之侵漁而已又無唐之內設府兵  
五百以爲居重馭輕之威是所謂內外無  
以爲重者也故四夷數侵歲以爲常而中  
州則有一夫跳梁往往衡越不能遽熄豈  
非兵政無以制中外之亂歟

張以忠曰此文言唐兵制之得議論甚透當合歐陽  
公唐書兵志並讀始知此論之確



此篇議論精  
明有裨家職

# 臣事策一

說權臣重臣  
極相及處心  
事較然  
說盡權臣情  
狀魯季孫齊

臣聞天下有權臣有重臣二者其迹相近而難明天  
下之人知惡夫權臣之專而世之重臣亦遂不容於  
其間夫權臣者天下不可一日而有而重臣者天下  
不可一日而無也天下徒見其外而不察其中見其  
皆侵天子之權而不察其所爲之不類是以舉皆嫉  
之而無所喜此亦已太過也今夫權臣之所爲者重  
臣之所切齒而重臣之所取者權臣之所不顧也將  
爲權臣邪必將內悅其君之心委曲聽順而無所違  
戾外竊其生殺予奪之柄黜陟天下以見已之權而



田常皆是如此

安字與爭字

不可易

說得盡情權

臣之勢如此

亦可畏哉為

人主者辨之

何可不蚤

沒其君之威惠。內能使其君歡愛悅懌。無所不順。而  
安為之上。外能使其公卿大夫百官庶吏。無所不歸。  
命而爭為之腹心。上愛下順。合而為一。然後權臣之  
勢遂成。而不可拔。至於重臣。則不然。君有所為。不可  
以必爭。爭之不能。而其事有所必不可聽。則專行而  
不顧。待其成敗之迹著。則上之心將釋。然而自解。其  
在朝廷之中。天子為之蹶然而有所畏。士大夫不敢  
安肆怠惰於其側。爵祿慶賞。已得以議其可否。而不  
求以為己之私惠。刀鋸斧鉞。已得以參其輕重。而不  
求以為己之私勢。要以使天子有所不可必為。而羣



愈分明

重臣必輔人  
主開言路

絕指束手望  
風卷舌國家  
安賴此具臣  
哉

下有所震懼而已不與其利何者爲重臣者不待天  
下之歸已而爲權臣者亦無所事天下之畏已也故  
各因其行事而觀其意之所在則天下誰可欺者臣  
故曰爲天下安可一日無重臣也且今使天下而無  
重臣則朝廷之事惟天子之所爲而無所可否雖天  
子有納諫之明而百官畏懼戰慄無平昔尊重之勢  
誰肯觸忌諱冒罪戾而爲天下言者惟其小小得失  
之際乃敢上章謹諱而無所憚至於國之大事安危  
存亡之所係則將卷舌而去誰敢發而受其禍此人  
主之所大患也悲夫後世之君徒見天下之權臣出



人生所以不  
樂重臣只緣  
把做權臣看  
了皇帝惡問  
亞夫正如此

反上

養廉意好  
政本宜重

入唯唯。以爲有禮而不知此。乃所以潛漬其國。徒見  
天下之重臣。剛毅果敢。喜逆其意。則以爲不遜。而不  
知其有社稷之慮。二者淆亂於心。而不能辨其邪正。  
是以喪亂相仍而不悟。何足傷也。昔者衛太子聚兵  
以誅江克。武帝震怒。發兵而攻之。京師至使丞相太  
子相與交戰。不勝而走。又使天下極其所往。而剪滅  
其迹。當此之時。苟有重臣出身而當之。擁護太子。以  
待上意之少解。徐發其所蔽。而開其所怒。則其父子  
之際。尚可得而全也。惟無重臣。故天下皆知之。而不  
敢言。臣愚以爲凡爲天下。宜有以養其重臣之威。使



深慮之語

之神棟有夭

丁國家之貴

者余何其不

一真慮也

此引重臣爲  
証

天下百官有所畏忌而緩急之間能有所堅忍持重  
而不可奪者竊觀方今四海無變非常之事宜其息  
而不作然及今日而慮之則可以無異日之患不然  
者誰能知其果無有也而不爲之計哉抑臣聞之今  
世之弊在於法禁太密一舉足不如律令法吏且以  
爲言而不問其意之所屬是以雖天子之大臣亦安  
敢有所爲於法律之外以安天下之大事故爲天子  
之計莫若少寬其法使大臣得有所守而不爲法之  
所奪昔申屠嘉爲丞相至召天子之倖臣鄧通立之  
堂下而詰責其過是時通幾至於死而不救天子知



此等語有  
附足以破世  
主之疑心

之亦不以爲怕而申屠嘉亦卒非漢之權臣繇此觀  
之重臣何損於天下哉

樓 昉曰權臣重臣最難分別觀此論則瞭然矣此

等議論有益於人主

張以忠曰重臣權臣心術旣分設施亦儘不同但邪

正之界人主辨之不蚤或以權臣爲重臣  
而股肱心膂隆其倚毗以重臣爲權臣而  
掣肘牽制恡甚事權則害天下不小此文  
議高識正而兩下叅對處尤極說得暢快

又曰說國家隱憂實禍疊疊深至意必有暗指



臣事策三

善用字

用字好

無窮却要求  
盡所以難

詞調疎曠自  
是子由之文

發一神出甚  
佳  
發明

天下有無窮之才。不叩則不鳴。不觸則不發。是以古  
之聖人。迎其好善之端。而作其勉強之氣。洗濯磨淬。  
日夜不息。凡此將以求盡天下之無窮也。夫天下譬  
如大器焉。有器不用。而寘諸牖下。久則蟲生其中。故  
善用器者。提携不去。時濯而溉之。使之日親於人。而  
獲盡其力。以無速敗。有小丈夫。徒知愛其器。而不知  
所以爲愛也。知措諸地之安。而不知不釋吾手之爲  
不壞也。是以事不得成。而其器速朽。且夫天下之物。  
人則皆用其形。而不求其神也。神者何也。物之精華。



應前

倚虛憑空發  
出一種神氣  
之說

過到上絕  
妙

聯屬渾融

以前無人會

果銳之氣也。精華果銳之氣在物也。曄然而有光，確然而能堅，是氣也。亡則皆枵然無所用之。夫是氣也。時叩而存之，則目長而不衰；置而不知求，則脫去而不居。是氣也。物莫不有也。而人爲甚。孟子有言曰：人之日夜之所息，與平旦之氣，旦晝之所爲，有以梏亡之矣。梏之反覆，則其夜氣不足以存。夫夜氣者，所謂精華果銳之氣也。天下亂，則君子有以自養而全之。而天下治，則天子養之以求其用。今夫朝廷之精明，戰陣之勇力，獄訟之所以能盡其情，而錢穀之所以能治其要處，天下之紛紜而物莫能亂者，皆是氣之。



所爲也。蓋古者英雄之君，唯能叩天下之才而存之。是以所求而必從，所欲而必得。漢武帝、唐太宗，國富而兵彊，所欲如意，而天下之才用之不見其盡。當其季年，元臣宿將死者大半，而新進之士亦自足以辦天下。繇此觀之，則天下固有無窮之才，而獨患乎上之不叩，不觸，而使其神弛放而不張也。臣竊觀當今之人，治文章，習議論，明會計，聽獄訟，所以爲治者，其類莫不備具。而天下所少者，獨將帥武力之臣。往者天下旣安，先世老將已死，而西寇作難。當此之時，天子茫然反顧，思得奇才良將以屬之兵，而終莫可得。



愚竊憂今天  
下之人未知  
誰可任以爲  
相

又醒氣字

此是本意

醒月

其後數年。邊鄙日蹙。兵勢日急。士大夫始漸習兵。而西夏臣服。以至於今。又將十有餘年。而曩之所謂西邊之良將者。亦已略盡矣。而天下之人未知誰可任以爲將。此甚可慮也。夫天下之事。莫難於用兵。而今世之所畏。莫難於爲將。責之以難事。強之以所甚畏。而不作其氣。是以將帥之士。若此不可得也。蓋嘗聞之。善用兵者。雖匹夫之賤。亦莫不養其氣。而後求其用。方其未戰也。使之投石超距。以致其勇。故其後遇敵。而不懼。見難。而效死。何者。氣盛故也。今天下有大弊二。以天下之治安。而薄天下之武臣。以天下之冗



子由此策而  
東坡蓄材用  
同皆言武舉  
之不可廢

官而廢天下之武舉。彼其見天下之安然，則摧沮退縮而無自喜之意。今之武臣，其子孫之家，往往轉而從進士矣。故臣欲復武舉，重武臣，而天子時亦親試之，以騎射以觀其能否，而爲之賞罰。如唐正觀之故事，雖未足以盡天下之奇才，要以使之知上意之所悅，有以自重而爭盡其力，則夫將帥之士可以漸見矣。

張以忠曰：當時西邊寧靖，井虜和親，武備之弛久矣。此事大可憂，而在廷全不之慮。蘇公所以痛言之也。篇中神氣之說，尤屬創發，深奇。



市  
文  
綜

卷  
四

三



上樞密韓太尉書

議論高而才氣豪邁是大

宋教

一意淡下說

到大尉處委

曲詳切恍惚

漂渺言有盡

而意無窮

公與長公持

論皆重一氣

字

太尉執事。轍生好爲文。思之至深。以爲文者。氣之所形。然文不可以學而能。氣可以養而致。孟子曰。我善養吾浩然之氣。今觀其文章。寬厚宏博。充乎天地之間。稱其氣之小大。大史公行天下。周覽四海。名山大川。與燕趙間豪俊交游。故其文踈蕩。頗有奇氣。此子子者。豈嘗執筆學爲如此之文哉。其氣充乎其中。而溢乎其貌。動乎其言。而見乎其文。而不自知也。轍生十有九年矣。其居家所與游者。不過其隣里鄉黨之人。所見不過數百里之間。無高山大野可登覽。以自



自負甚大

廣百氏之書。雖無所不讀。然皆古人之陳迹。不足以  
激發其志氣。恐遂汨沒。故決然舍去。求天下奇聞壯  
觀。以知天地之廣大。過秦漢之故都。恣觀終南。嵩華  
之高。北顧黃河之奔流。慨然想古之豪傑。至京師。仰  
觀天子宮闕之壯。與倉廩府庫城池苑囿之富。且大  
也。而後知天下之巨麗。見翰林歐陽公。聽其議論之  
宏辯。觀其容貌之秀偉。與其門人賢士大夫游。而後  
知天下之文章聚乎此也。太尉以才畧冠天下。天下  
之所恃以無憂。四夷之所憚以不敢發。入則周公召  
公。出則方叔召虎。而轍也未之見焉。且夫人之學也。

上面說終南  
高華與黃河  
下面以歐陽  
公配之則人  
物可相矣  
本欲見韓太  
尉却自嵩華  
黃河許多奇  
文怪觀說過  
來此意最高



亦最險

八得妙此等

最是要緊盤

錯處看上面

說歐陽公處

分明更無別

人却只一句

幹得轉此所

謂筆力扛九

鼎也

盡天下之大

觀正欲激發

其志氣收拾

得盡

不志其大。雖多而何為。轍之來也。於山見終南嵩華  
之高。於水見黃河之大。且深於人。見歐陽公而猶以  
為未見太尉也。故願得觀賢人之光耀。聞一言以自  
壯。然後可以盡天下之大觀。而無憾者矣。轍年少未  
能通習吏事。鄉之來。非有取於升斗之祿。偶然得之。  
非其所樂。然幸得賜歸。待選。使得優游數年之間。將  
以益治其文。且學為政。太尉苟以為可教而辱教之。  
又幸矣。

樓 昉曰。胸臆之談。筆勢規摹。從司馬子長自叙中

來。從歐陽公轉韓太尉身上。可謂奇險子



繇時方十九歲或云老泉代作

張以忠曰其氣與神吐吞海獄



用意清虛筆  
底圓活此篇  
是蘇家理勝  
文字

# 齊州閔子廟記

歷城之東五里有丘焉曰閔子之墓。墳而不廟。秩祀不至。邦人不寧。守土之吏有將舉焉而不克者。熙寧七年。天章閣侍制右諫議大夫濮陽李公來守濟南。越明年。政修事治。邦之耆老相與來告曰。此邦之舊有如閔子而不廟。食豈不大闕。公唯不知。苟知之。其有不飭。公曰。噫。信其可以緩。于是庀工爲祠堂。且使春秋修其常事。堂成。具三獻焉。邊豆有列。儉相有位。百年之廢。一日而舉。學士大夫觀禮祠下。咨嗟涕洟。有言者曰。惟夫子生于亂世。周流齊魯宋衛之間。無



好議論

獨取閔子不  
仕立意

此譬春秋之  
難仕

所不仕。其弟子之高弟亦咸仕于諸國。宰我仕齊。子貢冉有子游仕魯。季路仕衛。子夏仕魏。弟子之仕者亦衆矣。然其稱德行者四人。獨仲弓常爲季氏宰。其上三人皆未嘗仕。季氏嘗欲以閔子爲費宰。閔子辭曰。如有復我者。則我必在汶上矣。且以夫子之賢。猶不以仕爲污也。而三子之不仕。獨何歟。言未卒。有應者曰。子獨不見夫適東海者乎。望之茫洋。不知其邊。卽之汗漫。不測其深。其舟如蔽天之山。其帆如浮空之雲。然後履風濤而不僨。觸蛟蜃而不驚。若夫以江河之舟楫而跨東海之難。

一本作難

則亦十里而返。百里



出脫得好不  
虛美三子不  
貶倒諸子

結得輕省

而溺不足以經萬里之害矣。方周之衰，禮樂崩弛，天下大壞，而有欲救之，譬如涉海，有甚焉者。今夫夫子之不顧而仕，則其舟楫足恃也。諸子之汲汲而忘返，蓋亦有陋舟而將試焉，則亦隨其力之所及而已矣。若夫三子願爲夫子，而未能下顧諸子，而以爲不足爲也，是以止而有待。夫子嘗曰：「世之學柳下惠者，未有若魯獨居之男子。」吾于三子亦云。衆曰：「然退而書之，遂刻于石。」

張以忠曰：以不仕權門，推尊閔子，旨確言高而命想

尤奇絕



















